

SCRIPT OF MORNING GOJRI NEWS BULLETIN 26JAN 2026

مارننگ گوجری نیوز بولیٹن 26 جنوری 2026

یوہ آکاشوانی جموں بے باغ علی طاہرتیں خبر سُنو۔

REPUBLIC DAY TODAY

قوم اچ اپنو 77 ووں یوم جمہوریہ منارنی بے صدر جمہوریہ درویدی مرمو کرتویا پتھ نویں دلی تیں اس دن غا منایا جان غی قیادت کریں غی یوم جمہوریہ غی تقریب غی پریڈ سویر 10 بج غے 30 منٹ ور شروع ویگی۔ جہڑی قریب 90 منٹاں توڑی جاری رے غی کرتویا پتھ ور منعقد کی جان آلی یوم جمہوریہ غی یاہ تقریب بھارت غی رنگا رنگ ثقافت، تے فوجی طاقت نانہہ ظاہر کریگی اس سال یوم جمہوریہ غی تقریب غا عنوان سوتنٹرا گا منترا وندے ماترم، سمردهی گا منترا آتم نربھر بھارت رکھیا گیا ہیں یوم جمہوریہ غی تقریب غو آغاز وزیر اعظم نریندر مودی غی طرفوں قومی شہری یاد گار ور پھلاں غی چادر چاڈھیا جان سنگ شروع ویگی جدکہ صدر جمہوریہ درویدی مرمو کرتویا پتھ ور آغے اک رسمی مارچ پاس ور سلامی لیں غی مارچ پاس مانہہ مسلہ افواج نیم فوجی دستا معاون دستا تے این۔سی۔سی تے این۔ایس۔ایس غا دستا شامل وین غا یوم جمہوریہ غی تقریب مانہہ یورپی کونسل غا صدر اینٹونیو کوسٹا تے یورپی کمیشن غی صدر ارسلا لیان مہمان خصوصی غا طور ور شرکت کرریا ہیں بکھ بکھ ریاستاں مرکز غے زیر انتظام علاقاں تے مرکزی سرکار غی بکھ بکھ وزارتاں محکماں غی 30 چانکیاں یوم جمہوریہ غی اچ غی تقریب مانہہ شرکت کرریا ہیں ان چانکیاں مانہہ گزشتہ 150 بران غا قومی گیت وندے ماترم غا اک بے مثال امتزاج غے نال نال ہر سیکٹر مانہہ خواد انحصاری ور مبنی تیز تر قومی ترقی غو مظاہرو کیو جانگو تریاں مسلہ افواج غی اک چانکی اوپریشن سندور غے دوران فوج غی تریاں چاخاں غی مشترکہ جت مجموعی طاقت اتحاد تے یکجہتی غا اظہار ور مبنی ویگی۔ فوج غا 18 دستا تے 13 بینڈ وی پریڈ مانہہ حصولیں گا استوں علاوہ پہلی واری جنگی صفر بندی بارے اک چانکی غو وی پریڈ غے دوران مظاہرو کیو جارہیو بے یوم جمہوریہ غی تقریب غو اختتام 29 جنگی طیاراں غا فلانی پاسٹ سنگ ویگو جن مانہہ رافیل، ایس یو 30، سی 295، میگ 29 تے اپاچے ہیلی کاپٹر شامل وین گا مسلض دستاں غی قوم غے تئیں خدمات بارے اعتراف غا اعزاز مانہہ 2500 فنکار ثقافتی پروگرام وی یوم جمہوریہ غی تقریب غے دوران پیش کریں گا۔

PREZ R DAY MESSAGE

صدر جمہوریہ درویدی مرمو غو کہنو بے جے خود انحصاری تے سوادیشی ملک غی اقتصادی قسمت طے کرن مانہہ رہنما اصولاں غی حیثیت رکھیں انہاں نے ملک غا نوجوان کاروباریاں کھلاڑیاں سانسداناں تے قومی توانائی مانہہ بابدو کرن آلا پیشہ وارانہ افراد غی سراپنا کرتا واں کہیو بے جے ان غی وجہ نال ملک غی عالمی سطح پر اہمیت اُجاگر ہونی بے صدر جمہوریہ کل 77 واں یوم جمہوریہ غا موقع ور قوم سنگ خطاب کرریا تھیں ان غو کہنو تھو جے بھارت مانہہ دنیا غی سب تیں متی تعداد مانہہ نوجوان آبادی موجود بے تے اس غا نوجوان مانہہ بے

حد صلاحیت موجود این صدر جمہوریہ نے کہیو ہے جے عالمی سطح پر ہے
یقینی غی صورتحال غے باوجود بھارت لگاتار اقتصادی بابدو درج کر رہیو ہے انہاں
نے گزشتہ سال غے دوران اوپریشن سندور مانہہ دبشت گرداں غا ٹانچہ غے
خلاف درست کاروائی کیا جان غو وی اپنا خطاب غے دوران ذکر کیو ان غو کہنو
تھو جے ملک غی ترقی مانہہ نوجوان نسل غی آساں امیدان ناہہ تیہاں مانہہ رکھ
غے بنانی جان آلی پالسیاں سنگ بابدو ہوسکے غو صدر نے پھروسو ظاہر کیو
ہے جے سال 2047 توڑی وکست بھارت منایا جان غو حذف حاصل کرن غی خاطر
نوجوان اپنو اہم کردار ادا کریں غا۔

JAMMU R DAY

ووں یوم جمہوریہ اج جموں کشمیر یوٹی مانہہ وی حُب الوطنی غا جزبہ سنگ 77
مناہو جاریو ہے لیفتینٹ گورنر منوج سنہا مولانہ آزاد سٹیٹیم جموں مانہہ منعقد
کی جان آلی یوم جمہوریہ غی سب تیں بڑی تقریب غی قیادت کریں غا وے رسمی
پریزور سلامی لیں غا اس موقع پر وزیر اعلیٰ عمر عبداللہ وی تقریب مانہہ
موجود وین غا مولانہ آزاد سٹیٹیم غے چوفیرے حفاظت غا تگڑا بندوبست کیا گیا
این جموں ضلع سمیت پورا جموں ڈویژن مانہہ سلامتی دستا تلاشی تے پشان غی
نشاندہی وغیرہ غا کم مانہہ لگاوا این اُنکا کئی پہاڑی تے دشوار گزار علاقوں
مانہہ دبشت گرداں غے خلاف کاروائی وی جاری این۔
